



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 7. Vtrum sit necessarium vt hæc forma sit deprecatoria, præseertim  
cùm nulla aliorum Sacmentorum talis sit.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

ficit remissionem peccatorum, & vulnerum animæ curationem. Denique significat misericordia, qua tunc maximè opus est homini, & gratiam Spiritus sancti, qua anima egrotantis inuisibiliter inungitur, ut inquit Concilium Tridentinum.

Et quidem  
benedictū  
ab Episco-  
po.

Ratio vero, cur hoc oleum debeat esse benedictū, est similiter diuinæ institutio. Congruentia est, quod materia externa, qua ad Sacramenta adhucetur, huiusmodi sacrā benedictione debeat veluti disponi, aptari, & eleuari ad formā Sacramentalem; & vt sit idoneū instrumentū, per quod gratia cōferatur. Materię quidē Baptismi & Eucharistie ipso Christi vſu & contactu sanctificata & aptata ad formam sacramentalem fuerunt, vnde non indigent alia benedictione, vt sint idoneæ materiae. Sed Sacramenti Vnctionis & Confirmationis materia Christus nunquam est vſus; vnde oportebat vt aliquā benedictione consecrarentur. Debet autem hæc benedictione fieri ab Episcopo: tum quia in ipso est plenitudo potestatis circa Sacramentorum administrationem: tum quia ab ipso ad sacerdotes omnes potestas descendere debet; vnde etiam meritò ab ipso debent accipere materiam.

Dices: Dispositio materiae pertinet ad artem inferiorem: ergo hæc benedictione pertinebit ad potestatem, que sit inferior Sacerdotio, non autē ad superiorem.

Respondeo: Dispositio materiae pertinet ad artem inferiorem, quando is, qui illa materia vtitur, præscribit ei, qui materiam disponit: atqui Sacerdos non præscribit Episcopo, sed contrā Episcopos præscribit Sacerdoti, quomodo illa materia vti debeat. Adde, hoc non debere habere locum in rebus sacris, quarum omnis dispositio & perfectio descendit à supremā potestate ad inferiores.

#### D V B I V M . V.

*Vtrum hæc benedictio sit necessaria ad essen-  
tiam huīus Sacramentii.*

10  
Caerarau.  
Victoria.

Hæc bene-  
dictio est  
necessaria.

Fieri debet  
ab Episco-  
po.

C Aietanus suprà q. 73. art. 3. dubitat. Franciscus Victoria, q. 217. negat. Respondeo & Dico Primo: Omnino esse necessarium, vt oleum sit benedictum. Colligitur ex locis suprà citatis, ex perpetuo Ecclesiæ vſu, & ex communi Doctorum sententia. Fortasse tamen non est necessarium, vt benedictione propriæ hoc oleum sit benedictum. Videtur enim sufficere benedictio Chrismatis, vt docet Sotus q. 1. a. 3. d. 21. & plures alij.

Dico Secundo: Similiter necessarium est, vt ab Episcopo sit benedictum, adeo, vt, si à Sacerdote simplici sit benedictum (nisi forte id fiat ex commissione Papæ) nihil efficaciat. Probatur: quia Concilia suprà citata id exp̄s̄e requirunt, præsertim Florentinum & Tridentinum, quæ propter hæreticos hæc omnia distinctè explicuerunt. Baptismi enim materiam aiunt esse aquam simplicem, nec requirunt ullam benedictionem, nempe, quia non est de essentia, quamvis in cæremoniam adhibetur. Huius verò Sacramenti materiam exp̄s̄e affirmant esse oleum ab Episcopo benedictum.

Vt ex co-  
missione  
Papæ, à  
Sacerdote.

Dico Tertio: Ex commissione Pontificis non est improbabile simplicem Sacerdotem posse hoc oleum benedicere, sicut de Chrismatis benedictione dictum est suprà, q. 72. a. 3.

Antrahaduertendum est: In necessitate posse ad-  
di oleo benedictio aliquid olei non benedicti, ut ha-  
betur in Capit. Quod in dubijs. de Consecratio-  
nibus Ecclesiæ & altaris. Quod intellige, modo id quod  
additur, minus sit quantitate: vel si non sit minus,  
falsum fiat additio sensim. Si enim id, quod addi-  
tur, supererit, vel etiam æquale sit, & confertim  
addatur; id quod auctum est, non censetur esse  
idem quod ante fuit. Si autē sensim fiat additio,  
semper censetur esse idem, quod immediate ante  
era: vnde cum ahtea esset benedictū, etiā post ad-  
ditionem censetur esse benedictum. Vide Siluestr.  
verbo, Aqua benedicta; & Fumum ibid. Est enim  
eadem ratio additionis ad aquam benedictam.

#### D V B I V M . VI.

*Vtrum hæc forma sit conueniens: Per istam  
sanctam Vnctionem, & suam p̄iissimam  
misericordiam indulgeat tibi  
Dominus, quidquid deliquisti per  
visum &c.*

R Espondeo: Esse conuenientem. Patet ex  
Concilio Florent. & Tridentino, & vñsc. 12  
Romane Ecclesiæ. Contentiunt quoque Docto-  
res Scholastici.

Ratio est: Quia his verbis explicitantur omnia,  
quaæ in formā Sacramenti debent significari. Ex-  
plicatur enim causa principalis, qua est Deus, & Dei  
misericordia; & instrumentalis, qua est sacra vñctio; &  
effectus, qui est peccatorum remissio, aleviatio infirmi,  
& sanitas corporis quaæ ex remissione peccatorum  
sep̄ pendet; qua tria satis insinuantur per ver-  
bum, Indulgeat.

Notandum autē Primo: Nō esse de essentia for-  
me hæc verba; Per suam p̄iissimam misericordiam; satis  
enim hoc intelligitur in nomine Dei, & Indulgeat.  
Vnde ad essentiam Sacramenti sufficit dicere, Per  
hanc vñctionem indulgeat tibi Deus, quidquid deliquisti  
per &c.

Verba tamen ista, Per hanc Vnctionem, multorū  
sententiarū sunt repetenda ad singulas vñctiones: &  
aliōqui non satis videtur materia exprimi; quod  
est in praxi securius, quamvis contrarium non vi-  
deatur improbabile, vt infrā c. 4. dub. 2. dicemus.

Notandum Secundō: Non esse etiam de essen-  
tia illa verba; In nomine Patris, & Filii, & Spiritus  
sancti. Est sententia communis. Nam in solo Ba-  
ptismo & Confirmatione est necessaria Trinitatis  
inuocatio.

Notandum Tertiō: Non necessariō debere fieri  
vñctionem in formam crucis, sed sufficere simpli-  
ciam vñctionem. Et tamen seruanda cōsuetudo.

#### D V B I V M . VII.

*Vtrum sit necessarium, vt hæc forma sit depre-  
catoria, præserit cum nulla aliorum Sa-  
cramentorum talis sit?*

R Espondeo: Id esse necessarium. Est commu-  
nis Doctorum, d. 23. Colligunt ex verbis Ascribitur  
Apostoli. Sed hæc probatio non videtur efficax;  
quia Patres passim omniū Sacramentorum formas  
vocant Preces Mysticas, inuocationes Spiritus sancti,  
inuocationes conseruatorias; vt patet ex Dior. ylio  
Areopag. cap. 7. parte 3. Hierarchiæ Ecclesi-  
sticæ, &c.

stica, & Cyrillo Hierosol. Catechesi 2. & 3. mystagogica.

Ratio ve-  
tior,

Verum firmius argumentum peti potest ex traditione, & usu Ecclesiae. Ratio esse potest, quia hoc Sacramentum est veluti penitentia quadam infirmorum, qui non possunt per opera bona satisfacere. Conferunt ergo illis hoc Sacramentum deprecatoriè, ut significetur dari remissione peccatorum per hoc Sacramentum ex sola misericordia, nec requiri opera laboriosa, sicut in Sacramento Penitentie. Ob hanc causam videtur Christus hoc modo instituisse.

Deprecatio  
hæc opera-  
tur ex ope-  
re operato.

Notandum tamen Primo: Etsi hoc Sacramentum deprecatoriè detur, non tamen habere vim ex deuotioне orantiū, ut cetera preces; sed ex opere operato, idque propter infallibilem promissionem annexam. Nam Sacramentorum efficacia non pendet ex fide aut deuotioне Ministrorum, sed ex Christi certissimâ institutione. Vocat autem Apostolus hanc formam Orationem fidei, quia sola fide intelligitur. Quomodo D. Augustinus tract. 80. in Ioannem, verbum Sacramentale, quod cum elemento operatur, vocat *Verbum fidei*.

An valeat  
forma In-  
dicativa.

Norandum Secundo: Si aliqua Ecclesia aliquando vise sint illa forma indicatiua, de qua D. Tho. a. 8. Vnco hos oculos oleo sanctificato, &c. creditiblē est, eas tamen non prætermisſile deprecacionem; illamque solum fuisse veluti præparatoriam quandam ceremoniam. Vel certe dicendum est, quod eam deprecatoriè intellexerint. Nam varia fuerunt diuersarū Ecclesiarum in hoc Sacramento conferendo formulae, ut testatur Eckius homil. 54. de Sacramentis, quæ etiā verbis distincte essent, sententiam tamen eandem habere poterant.

## CAPVT II.

### De effectu huius Sacramentis?

Non im-  
primi chae-  
racterem.

**N**otandum est: Duo hic esse certa: Alterum, hoc Sacramentum non imprimere characterem. Ratio est, quia per hoc Sacramentum non deputamur ad alia Sacraenta conferenda, vel suscipienda, neque accipimus aliquum statum in Ecclesia, sicut per Baptismum, Confirmationem, & Ordinem. Vnde iterari potest, etiam in eodem morbo, quando diu durat, & inæqualis est, ita ut intercedente aliquot hebdomadarum intervallo sepius periculum mortis adserat. Alterum est, hoc Sacramentum interdum conferre sanitatem corporis, quando sic expedit saluti animæ; & abstergere peccatorum reliquias: hoc enim expressè affirmant Concilium Tridentinum, & Florentinum. Sed duo hic occurront dubia.

Eius effe-  
ctus.

## DVBIVM I.

*An hoc Sacramentum semper conferat sanitatem corporis, quando id expedit saluti animæ?*

Dom. Soto  
legat.

**D**ominicus Soto hoc loco negat: & putat Concilia id affirmare, non proponendo dogma Ecclesiæ, sed sequendo opinionem probabilem Hugonis. Ratio ipsius est: Primo, quia interdum fit, ut inunctus conualescens peior euadat; ergo hoc Sacramentum confert sanitatem, etiam dum non expedit anima. Secundo: sapet fit, ut multi inuncti non conualescant, quibus ta-

men expediret ad animæ salutem; augerent enim coronam. Tertiò: sàpè necessarium est miraculum, nempe quando is, cui expediret sanari, iam pœnè morto consumptus est.

Sed sententia ista nullo modo est probanda. Impresum: Nam utrumque Concilium proponit hoc sine illâ tur eis sententia, sicut & alia, quæ tradit de Sacramentis: ergo proponit tanquam doctrinam Ecclesie. Quare dicendum est: Non esse necessarium, ut hoc Sacramentum semper conferat sanitatem corporis quando id expediret animæ salutis; sed satis est, ut interdum id faciat. Nihil enim aliud dicit Concilium Trident. cap. 2. de extrema Vnctione: Et sanitatem corporis interdum, ubi saluti animæ expedit, confeatur. Concilium autem Florent. sic ait: Effectus vero est menis sanatio, in quantum autem expedit, etiam ipsis corporis. Quod intelligi potest generativum, in quantum expedit iuxta ordinem diuinæ prouidentia.

Certum ergo est, nunquam sanari aliquem per hoc Sacramentum, nisi id expedit animæ salutis. Unde si is, qui sanatur, peior euadat, & in peccatis moriatur, non conualuit virtute Sacramenti, sed naturalibus remedij. Hinc patet responso ad Primum argumentum Sotii. Ad Secundum; Cocco: Non enim dicimus, quod semper debat conualescere quando id saluti expedit, sed Interdum, prout visum fuerit prouidentiæ diuinæ. Ad Tertiū: Concedo virtute supernaturali conferri valetudinem per hoc Sacramentum, ac proinde quasi miraculosè. Non tamen propriè dicetur fieri Miraculosè, quia sit per remedium ordinarium.

Notandum: Hunc effectum significari ab Apostolo, cùm ait: Et oratio fidei saluabit infirmum. Etsi enim hæc verba principaliter intelligenda sint de salvatione animæ, secundariò tamen intelliguntur de salvatione corporis; unde & nomen, saluabit, commune est.

## DVBIVM II.

*Que sint ille reliquæ peccatorum, quas Sacramentum dicitur abstergere?*

**Q**uidam intelligunt Peccata venialia. Ita D. Bonaventura, Scotus, Durandus, Richardus Per has re- d. 23. Ratio est: Quia cùm tria sint genera pecca- liquias ma- torum, originale, mortale, & veniale; contra tamen intelliguntur peccata originale, est Baptismus; contra mortale, Poeni- tentia; contra veniale, extrema Vnctio.

Sed contra Primo, quia Apostolus ait, si in peccatis fuerit. Quod si solum loqueretur de venialibus, non diceret, si omnes enim plerumque sunt in peccatis venialibus, & in multis offendimus omnes, ut idem Apostol ait cap. 2. Secundo, Apostolus loquitur generativum De Peccatis ergo non operari refringere ad venialia. Tertiò, quia contra peccata venialia sunt alia remedia: ergo ob illa sola non fuit opus Sacramento.

Dicendum ergo est: Duplices esse Peccatorum reliquias in proposito. Primo, Peccata quæ remanent post alia Sacraenta: fieri enim potest, ut post alia Sacraenta incidat quis in peccatum mortiferum, idque ignoret, ac proinde nequeat confiteri. Hoc peccatum absterget per istud Sacramentum cum poenitentia generali vel virtuali, etiam attritione, sumptum. Et quamvis communis sit omnibus Sacraentis, quod tollant peccata occulta,

Sed I. intel-  
lige peccas-  
que rema-  
nent post  
sumptu Sa-  
cramenta.